

**Jalan Utama Sekitar Dataran Merdeka Ditutup Sempena Perarakan Panji-panji Agong
Bernama
3 Jun, 2013**

KUALA LUMPUR, 3 Jun (Bernama) -- Beberapa jalan utama di sekitar Dataran Merdeka ditutup dari pukul 6 pagi hingga 12 tengah hari mulai semalam hingga Sabtu ini, kecuali Jumaat, sempena istiadat mengarak panji-panji Yang di-Pertuan Agong sempena Hari Keputeraan Seri Paduka.

Menurut kenyataan Polis Trafik Kuala Lumpur, jalan terbabit ialah Jalan Kinabalu ke susur Bukit Aman, Jalan Hishamuddin ke Jalan Raja, Jalan Hang Kasturi ke Jalan Leboh Pasar Besar.

Jalan Leboh Ampang ke Jalan Tun Perak, Bulatan Dato Onn ke Jalan Raja, Jalan Leboh Pasar Besar ke Jalan Mahkamah Persekutuan dan Jalan Tunku Abdul Rahman (TAR) ke Jalan Tun Perak menghala ke Dataran Merdeka, menurut kenyataan itu.

Jalan-jalan itu ditutup bagi membolehkan beberapa sesi latihan dari semalam hingga Rabu ini, serta untuk raptai penuh pada Khamis dan acara sebenar pada Sabtu ini.

-- BERNAMA

Copyright © 2013 BERNAMA

Source: <http://www.bernama.com/bernama/v7/bm/newsindex.php?id=953807>